

# Supply issue: te au tu vāito i te pakari pouroa o te vai morphine (RA-Morph)

(Te tuatua'anga 'mor-feen')

E tā'anga'anga'ia ana te vairāku morphine no te mamae pakari. Mei te marama o Māti i te mata'iti 2024, kāre te au tu vāito o te pakari pouroa (1 mg, 2 mg, 5 mg e te 10 mg i roto i te 1 mL) o te vai morphine (RA-Morph) e rauka no teta'i tuātau poto. I te 'akapāpu kia rauka 'ua atu rāi iā koe i te 'aka'aere i te mamae, ka 'ōronga'ia atu te **Wockhardt morphine** me kore ra, te **Oramorph oral solution**. Ko te **2 mg i roto i te 1 mL, te vāito o te pakari i roto i teia au vairākau.**

## Ea'a i reira, te tūkē i rotopu i teia nga vai morphine 'ōu, e rua?

Mei te mārama takataka, ki te rengarenga maratea, te Wockhardt morphine, e te Oramorph oral solution. Ka 'anga'anga rāua mei te RA-Morph rāi, māri ra, ka rauka anake i roto i te **2 mg i roto i te 1 mL** te vāito o te pakari. E tūkē katoa to raua auvaro.

|   |  |
|---|--|
| Kāre e rauka, no teta'i tuātau poto   | <p><b>'ŌU:</b> Wockhardt morphine, e te Oramorph oral solution</p> <p><b>Te pakari o te vāito: 2 mg i roto i te 1 mL</b></p> <p><b>Matakite:</b> Tei runga i te 'akairo o nga mō'ina e rua, te vāito 10 mg / 5 mL.<br/>Āiteite rāi teia ki te 2 mg / 1 mL.</p> |
| <p><b>Te au tu pakari pouroa o te vāito, o te RA-Morph:</b></p> <p>1 mg i roto i te 1 mL<br/>2 mg i roto i te 1 mL<br/>5 mg i roto i te 1 mL<br/>10 mg i roto i te 1 mL</p> |    |
| Te Wockhardt morphine   | Te Oramorph Oral Solution  |

Ka 'ōronga'ia atu pa'a te vairākau kiā koe, na roto i teta'i karāti, me kore ra, i teta'i mō'ina una paraone.

## Āru'ia te vāito i runga i te 'akairo

- Ka tauī pa'a te tārē'anga o te vairākau, te ka kai koe.
- E mea pu'apinga, kia tatau koe i te 'akairo tei runga i te mō'ina, ma te 'ākara matatio i te au vāito tātakita'i.
- 'Akapāpu ki to'ou tangata 'oko vairākau, i te vāito o te pakari tano no'ou, e to'ou vāito 'ōu.



## ! Tei roto te kava i te Oramorph oral solution

Āiteite 'ua te vāito vairākau 5 mL, ki te kava i roto i te 10 mL beer, me kore ra, 4 mL uaina. Te 'irinaki'ia nei e, kāre teia e tutuki i te ma'ata'anga o te aronga mama'ata, me kore ra, māpu tamariki, inā rā, ka tutuki pa'a i te tamariki rikiriki ake.

Me e nui koe, te 'āngai ra ki to'ou ū, me kore ra, tei raro ake koe i te tāmaru'anga o te kava, komakoma atu ki to'ou taote, me kore ra, ki to'ou tangata 'oko vairākau.

### Kāre e kava i roto i te Wockhardt morphine.

## Kāre te au mea 'ōu i raro ake i te tika'anga a te Medsafe

Kāre teia e karanga ana e, kāre ratou e ponuiā'au ana. Kua 'akatika'ia rātou kia tā'anga'anga'ia i roto i teta'i au basileia, inā rā, kāre i na roto ake te rāvenga 'akatika'anga a te New Zealand's Medsafe.



Ka anoano'ia koe kia 'ārāvei atu i to'ou taote no teta'i vairākau 'ōu. Ka pati atu to'ou taote, no ta'au 'akatika'anga, i mua ake ka 'ōronga atu ei, i te au 'akairo'anga 'ōu no'ou.

## Vāito'ia kia tano meitaki, te vāito o te vairākau no te au vāito'anga tātakita'i

✓ Tā'anga'anga'ia teta'i kapu vāito vairākau tau, te tīpunu vairākau, me kore ra, te pātia vairākau. Tei runga ia ratou, te au vāito'anga millilitre (mL) i te tauturu iā koe, i te vāito'anga i te vāito tano.

✗ Kāre te au tipunu no roto mai i te pi'a tunu kai e tano meitaki, no te vāito i te vairākau.

## Ka kino me ma'ata roa te morphine

Me manako koe e, kua ma'ata roa ta'au morphine i inu, tiki viviki atu i teta'i tauturu rapakau'anga. Me ma'ata roa te Morphine, ka tāmanamanatā te reira i to'ou ora'anga, e ka tāpū i to'ou 'akaea'anga.

### Teia te au 'akairo-maki, no runga i te inu'anga ma'ata i te morphine:

- varevareā moe
- manatā i te 'akaea'anga
- te topa'anga ki raro (matapōiri).



**Me kāre teta'i tangata e 'akaea ana, me kore ra, kāre e komakoma mai ana kiā koe, me kore ra, te manamanatā nei koe no runga i te inu'anga ma'ata i te morphine, tiki viviki atu i te rapakau'anga. Tāniuniu i te numero 111 ma te pati atu no teta'i ambulance.**

No tetaī atu 'akakitekite'anga no runga i te vairākau morphine, 'ākara'ia [www.healthify.nz/morphine](http://www.healthify.nz/morphine)